

觀佛三昧海經

百八十八  
覆一

48642



元祿九年丙子二月日重脩

皇圖瓊閣 帝階綴昌

佛日增輝 懋輪常轉

山城州天安寺法金剛院置



佛說觀佛三昧海經卷第一

覆

東晉天竺三藏法師佛陀跋陀羅譯

六譬品第一

如是我聞一時佛住迦毗羅城左拘樓陀精舍  
舍爾時釋摩男請佛及僧供養三月七月十  
五日僧自恣竟爾時父王闍頭檀佛姨母憍  
曇彌來詣僧房供養衆僧禮拜既畢奉土楊  
枝及澡豆已呼阿難言吾今欲往至世尊所  
爲可尔不尔時阿難即宣此言以白世尊佛  
告阿難父王來者必問妙法汝行遍告諸比  
丘僧及往林中命摩訶迦葉舍利弗目犍連  
迦拏延阿那律等彌勒菩薩跋陀婆羅十六

賢士一時來會如此音聲遍至諸方。爾時天主夜叉主、乾闥婆主、阿脩羅主、迦樓羅主、緊那羅主、摩睺羅伽主、龍主等及諸眷屬皆悉已集。爾時父王及釋摩男三億諸釋入佛精舍當入之時，見佛精舍如頗梨山，爲佛作禮。未舉頭頃，即見佛前有大蓮華衆寶所成，於蓮華上有大光臺。父王見已，心生歡喜，歎未曾有。遶佛三匝，却坐一面。是時父王即從座起，白佛言：「世尊，佛是吾子，吾是佛父。今我在世見佛色身，但見其外不覩其內，悉達在宮相師皆見三十二相。今者成佛，光明益顯，過踰昔日百千萬倍。佛涅槃後，後世衆生當云

何觀佛身色相知佛光明常行尺度惟願天尊今當爲我及後衆生分別解說爾時世尊入遍淨色身三昧從三昧起即便微笑諸佛笑法有五色光時五色光化五百色從佛口出照父王頂從父王頂照光明臺從光明臺照于精舍遍娑婆界還入佛頂爾時世尊告父王言諦聽諦聽善思念之如來當說來世衆生得見佛法父王白佛唯然世尊我今願聽佛告父王閻浮提中有師子王名毗摩羅其師子法滿四十年牝牡乃會一交會已跳踉鳴吼宛轉自撲體無損傷其師子子在胎之時如父獸王等無有異大王當知欲使胎

中便能鳴吼飛落走伏未有斯事父王白佛  
獸王之子在母胎時頭目牙爪與父相似佛  
告大王與父無異但其力能不及其父百千  
萬倍佛告父王如是如是未來世中諸善男  
子善女人等及與一切若能至心繫念在內  
端坐正受觀佛色身當知是人心如佛心與  
佛無異雖在煩惱不爲諸惡之所覆蔽於未  
來世雨大法雨復次父王譬如伊蘭俱與栴  
檀生末利山牛頭栴檀生伊蘭藜中未及長  
大在地下時芽莖枝葉如閻浮提竹筍衆人  
不知言此山中純是伊蘭無有栴檀而伊蘭  
臭臭若膻尸熏四十由旬其華紅色甚可愛

樂若有食者發狂而死牛頭栴檀雖生此林  
未成就故不能發香仲秋月滿卒從地出成  
栴檀樹衆人皆聞牛頭栴檀上妙之香永無  
伊蘭臭惡之氣佛告父王念佛之心亦復如  
是以是心故能得三種菩提之根復次父王  
閻浮提中及四天下有金翅鳥名正音迦樓  
羅王於諸鳥中快得自在此鳥業報應食諸  
龍於閻浮提日食一龍王及五百小龍明日  
復於弗婆提食一龍王及五百小龍第三日  
復於瞿耶尼食一龍王及五百小龍第四日  
復於鬱單越食一龍王及五百小龍周而復  
始經八千歲此鳥亦時死相已現諸龍吐毒

無由得食彼鳥飢逼周樟求食了不能得遊  
巡諸山永不得安至金剛山然後暫住從金  
剛山直下至大水際從大水際至風輪際為  
風所吹還至金剛山如是七返然後命終其  
命終已以其毒故今十寶山同時火起尔時  
難陀龍王懼燒此山即大降雨澍如車軸鳥  
肉散盡惟有心在其心直下如前七返然後  
還住金剛山頂難陀龍王取此鳥心以為明  
珠轉輪王得為如意珠佛告父王諸善男子  
及善女人若念佛者其心亦尔復次大王雪  
山有樹名殃伽陀其果甚大其核甚小推其  
本末從香山來以風力故得至雪山孟冬盛



寒羅刹夜叉在山曲中屏隈之處糞穢不淨  
盈流于地猛風吹雪以覆其上漸漸成塹五  
十由旬因糞力故此果得生根莖枝葉華實  
滋茂春陽三月八方同時皆悉風起消融冰  
雪惟菓樹在其果形色閻浮提果無以為譬  
其形團圓滿半由旬婆羅門食即得仙道五  
通具足壽命一劫不老不死凡夫食之向須  
陀洹阿那含食成阿羅漢三明六通無不悉  
備有人持種至閻浮提糞壤之地然後乃生  
高一多羅樹樹名拘律陀果名多勒如五斗  
瓶閻浮提人有食之者能除熱病佛告大王  
諸善男子及善女人正念思惟諸佛境界亦

復如是復次大王如帝釋樹生歡喜園名波  
利質多羅天女見之身心喜悅不自勝持帝  
釋見之即生慾想八萬四千諸婁女等即得  
樂覺此樹生時曲枝在地即於地下華敷成  
果其果金色光明赫奕且其華葉終不萎落  
十色具足開現光明有諸樂音至秋八月從  
地踊出高三百三十五萬由旬諸天見之喜  
悅非恒佛告大王觀佛三昧在煩惱地亦復  
如是其出生時如彼寶樹嚴顯可觀復次大  
王如劫初時火起一劫雨起一劫風起一劫  
地起一劫地劫成時光音諸天飛行世間在  
水澡浴以澡浴故四大精氣即入身中身觸

樂故精流水中八風吹去墮淤泥中自然成  
卵經八千歲其卵乃開生一女其形青黑  
猶如淤泥有九百九十九頭頭有千眼九百  
九十九口一口四牙牙上出火狀如霹靂二  
十四手手中皆捉一切武器其身高大如須  
彌山入大海中拍水自樂有旋嵐風吹大海  
水水精入體即便懷妊經八千歲然後生男  
其兒身體高大四倍倍勝於母兒有九頭頭  
有千眼口中出火有九百九十九手八脚海  
中出聲号毗摩質多羅阿脩羅王此鬼食法  
惟馘淤泥及蘗藕根其兒長大見於諸天姝  
女圍遶即白母言人皆佺儷我何獨無其母

告曰香山有神名軋閨婆其神有女容姿美  
妙色踰白玉身諸毛孔出妙音聲甚適我意  
今爲汝娉適汝願不阿脩羅言善哉善哉願  
母往求尔時其母行詣香山到香山已告彼  
樂神我有一子威力自在於四天下而無等  
倫汝有令女可適吾子其女聞已願樂隨從  
適阿脩羅時阿脩羅納彼女已心意泰然與  
女成禮未久之間即便有娠經八千歲乃生  
一女其女儀容端正挺持天上天下無有其  
比色中上色以自莊嚴面上姿媚八萬四千  
左邊亦有八萬四千右邊亦有八萬四千前  
亦有八萬四千後亦有八萬四千阿脩羅見

以爲瓌異如月處星甚爲竒特憍尸迦聞即遣使下詣阿脩羅而求此女阿脩羅言汝天福德汝能令我乘七寶宮以女妻汝帝釋聞此心生踊躍即脫寶冠持用擬海十善報故令阿脩羅坐勝殿上時阿脩羅踊躍歡喜以女妻之帝釋即以六種寶臺而往迎之於宮闕中有大蓮華自然化生八萬四千諸妙寶女譬如壯士屈伸臂頃即至帝釋善法堂上

尔時天宮過踰於前百千萬倍釋提桓因爲其立字号曰悅意諸天見之歎未曾有視東忘西視南忘北三十二輔臣亦見悅意身心歡喜乃至毛髮皆生悅樂帝釋若至歡喜園

時共諸婬女入池遊戲。爾時悅意，即生嫉妬。遣五夜叉往白父王。今此帝釋不復見寵，與諸婬女自共遊戲。父聞此語，心生瞋恚，即興四兵往攻帝釋。立大海水踞頂，彌山頂九百九十九手，同時俱作撼喜。見城搖頂，彌山四大海水一時波動。釋提桓因驚怖惶懼，靡知所趣。時宮有神白天王言：莫大驚怖，過去佛說般若波羅蜜王當誦持。鬼兵自碎，是時帝釋坐善法堂，燒衆名香，發大誓願。般若波羅蜜是大明呪，是無上呪，無等等呪。審實不虛，我持此法當成佛道。今阿脩羅自然退散，作是語時，於虛空中有四刀輪。帝釋功德故，自

然而下當阿脩羅上時阿脩羅耳鼻手足一時盡落令大海水赤如絳珠時阿脩羅即便驚怖遁走無處入藕絲孔彼以貪欲瞋恚愚癡鬼幻力故尚能如是豈況佛法不可思議佛告大王諸善男子及善女人繫心思惟諸佛境界亦能安住諸三昧海其人功德不可

稱計譬如諸佛等無有異

觀佛三昧海經序觀地品第二

云何名為觀諸佛境界諸佛如來出現於世有二種法以自莊嚴何等為二一者先說十二部經令諸衆生讀誦通利如是種種名為法施二者以妙色身示閻浮提及十方界令諸

衆生見佛色身具足莊嚴三十二相八十種  
隨形好無缺減相心生歡喜觀如是相因何  
而得皆由前世百千苦行修諸波羅蜜及助  
道法而生此相佛告父王若有衆生欲念佛  
者欲觀佛者欲見佛者分別相好者識佛光  
明者知佛身內者學觀佛心者學觀佛頂者  
學觀足下千輻相輪者欲知佛生時相者欲  
知佛納妃時者欲知佛出家時者欲知佛苦  
行時者欲知佛降魔時者欲知佛得阿耨多  
羅三藐三菩提時者欲知如來轉法輪時相  
者欲知如來寶馬藏相者欲知如來昇忉利  
天爲母摩耶夫人說法時相者欲知如來下



忉利天時相者欲知如來行住坐卧四威儀  
中光明相者欲知如來詣拘尸那降度力士  
相者欲知如來伏曠野鬼神毛孔光明相者  
佛告父王佛涅槃後若四部衆及諸天龍夜  
叉等欲繫念者欲思惟者欲行禪者欲得三  
昧正受者佛告父王云何名繫念自有衆生  
樂觀如來具足身相自有衆生樂觀如來諸  
相好中一一相者自有衆生樂觀如來隨順  
相好自有衆生樂觀如來逆相好者自有衆  
生樂觀如來光明者自有衆生樂觀如來行  
者自有衆生樂觀如來住者自有衆生樂觀  
如來坐者自有衆生樂觀如來卧者自有衆

生樂觀如來乞食者自有衆生樂觀如來初  
生者自有衆生樂觀如來納妃時者自有衆  
生樂觀如來出家時者自有衆生樂觀如來  
苦行時者自有衆生樂觀如來降伏魔時者  
自有衆生樂觀如來成佛時者自有衆生樂  
觀如來轉法輪時者自有衆生樂觀如來昇  
忉利天爲母說法時者自有衆生樂觀如來  
降伏曠野鬼神者自有衆生樂觀如來於那  
軋訶羅降伏諸龍留影時者自有衆生樂觀  
如來降伏六師尼提賤人及諸惡律儀殷重  
邪見人者如是父王我涅槃後諸衆生等業  
行若干意想若干所識不同隨彼衆生心想

所見應當次第教其繫念如我住世不須繫  
念譬如日出冥者皆明惟無目者而無所覩  
未來世中諸弟子等應修三法何等爲三一  
者誦修多羅甚深經典二者淨持禁戒威儀  
無犯三者繫念思惟心不散亂去何名繫念  
或有欲繫心觀於佛頂上者或有欲繫心觀  
佛毛髮者或有欲繫心觀佛髮際者或有欲  
繫心觀佛額廣平正相者或有欲繫心觀佛  
眉間白毫相者或有欲繫心觀佛眉間者或  
有欲繫心觀佛牛王眼相者或有欲繫心觀  
佛脩直鼻相者或有欲繫心觀佛鷹王紫相  
者自有衆生樂觀如來鬚鬢如蝌蚪形流出

光明者自有衆生樂觀如來脣上腭際者自有衆生樂觀如來脣色赤好如頻婆果者自有衆生樂觀如來下脣如盃頭摩華莖者其色紅赤上入頻婆果色中自有衆生樂觀如來口四十齒相者自有衆生樂觀如來齒白齊密相者自有衆生樂觀如來齒上印文相者自有衆生樂觀如來齒畫界者自有衆生樂觀如來上腭相者八萬四千畫了了分明自有衆生樂觀如來下斷如優曇鉢花莖色者自有衆生樂觀如來咽喉如瑠璃筒狀如累蓮華相者自有衆生樂觀如來廣長舌相蓮華葉形上色五畫五彩分明舌下十脉衆

光流出舌相廣長遍覆其面者自有衆生樂  
觀如來咽喉節中有三相者自有衆生樂觀  
如來咽嚕相如金翅鳥眼者自有衆生樂觀  
如來頸相者自有衆生樂觀如來八萬四千  
髮相者自有衆生樂觀如來毛右旋者自有  
衆生樂觀如來一一毛孔一毛旋生者自有  
衆生樂觀如來頭皮者自有衆生樂觀如來  
肉髻骨者自有衆生樂觀如來腦者自有衆  
生樂觀如來耳普垂腫者自有衆生樂觀如  
來耳輪郭相者自有衆生樂觀如來耳旋生  
七毛相者自有衆生樂觀如來缺盆骨滿相  
於彼相中旋生光臺者自有衆生樂觀如來

腋下滿相於其相中懸生五珠如摩尼珠上  
挂佛腋者自有衆生樂觀如來臂臑纖圓如  
象王鼻者自有衆生樂觀如來肘骨如龍王  
髮宛轉相著文彩不壞節頭槃龍不見其迹  
手指參差不失其所於指節端十二輪現自  
有衆生樂觀如來赤銅爪其爪八色了了分  
明自有衆生樂觀如來合曼掌相張時則見  
殷指不見如真珠網了了分明勝閻浮檀金  
百千萬倍其色明淨過於眼界於十指端各  
生萬字萬字點間有千輻輪衆相具足如和  
合百千蓮華自有衆生樂觀如來掌文間成  
如自在天宮其掌平正人天無類當於掌中

生千輻相於十方面開摩尼光於其輪下有  
十種畫一一畫如自在天眼清白分明然後  
入掌相中自有衆生樂觀如來手背毛上向  
靡如紺瑠璃流出五色光入網縵中者自有  
衆生樂觀如來手足柔軟如天劫貝自有衆  
生樂觀如來手內外握自有衆生樂觀如來  
曾德万字印相三摩尼光相者自有衆生樂  
觀如來齋如毗楞伽寶珠自有衆生樂觀如  
來脇肋大小正等宛轉相著自有衆生樂觀  
如來諸骨支節槃龍相結其間密緻者自有  
衆生樂觀如來鈎鎖骨卷舒自在不相妨礙  
自有衆生樂觀如來骨色鮮白頗黎雪山不

得爲辟上有紅光間錯成文凝液如脂自有  
衆生樂觀如來伊及鹿王踴相者自有衆生  
樂觀如來踝相者自有衆生樂觀如來足跌  
平正相者自有衆生樂觀如來足踏上色閻  
浮檀金色毛上向靡足指網間如羅文彩於  
其文間衆彩玄黃不可具名自有衆生樂觀  
如來赤銅爪相於其爪端有五師子口自有  
衆生樂觀如來脚指端螺文相如毗細羯摩  
天所畫之印自有衆生樂觀如來足下平滿  
不容一毛足下千輻輪相轂軻具足魚鱗相  
次金剛杵相者足跟亦有梵王頂相衆螺不  
異如是名樂順觀者自有衆生樂逆觀者從



足下千輻輪相從下觀至足指上一一相一  
一好一一色從下至上了了逆觀是名逆觀  
法自有衆生樂觀如來金色佛生閻浮提故  
作金色中上色如百千日耀紫金山不可得  
具見自有衆生樂觀如來巨身丈六者自有  
衆生樂觀如來圓光一尋者自有衆生樂觀  
如來舉身光明者自有衆生樂觀如來說法  
時瑞應相者自有衆生樂觀如來齊上向相  
下向相者  
觀佛三昧海經觀相品第三之一  
佛告父王云何名觀如來頂如來頂骨團圓  
猶如合蓋拳其色正白若見薄皮則爲紅色

或見厚皮則金剛色髮際金色腦頗梨色有十四脉衆畫具足亦十四光其光如脉分明了了於腦脉中旋生諸光上衝頭骨從頭骨出乃至髮際有十四色圍遶衆髮下金色亦生衆光入十四色中是名如來生王宮中頂腦肉髻惟其頂上五大梵相生時摩耶及佛姨母皆悉不見其五梵相開現光明至於梵世復過上方無量世界化成雲臺諸佛境界十地菩薩之所不見今爲父王說生頂相若有聞者應當思惟佛勝頂相其相光明如三千界大地微塵不可具說後世衆生若聞是語思是相者心無悔恨如見世尊頂勝相

光閉目得見以心想力了了分明如佛在世  
雖觀是相不得衆多從一事起復想一事想  
一事已復想一事逆順返覆經十六返如是  
心想極令明利然後住心繫念一處如是漸  
漸舉舌向腭令舌正住經二七日然後身心  
可得安隱復當繫心還觀佛頂觀佛頂法光  
隨毛孔入佛告父王及勅阿難諦聽諦聽善  
思念之如來今者頭上有八万四千毛皆兩  
向靡右旋而生分齊分明四筋分明一一毛  
孔旋生五光入前十四色光中昔我在宮乳  
母爲我沐頭時大愛道來至我所悉達生時  
多諸竒特有人若問我汝子之髮爲長幾許

我去何咎今當量髮知其尺度即勅我申髮  
母以尺量長一丈二尺五寸放已右旋還成  
螺文欲納妃時復更沐頭母復勅言前者量  
髮正長一丈二尺五寸今當更量即伸量之  
長丈三五寸我出家時天神捧去亦長丈三  
五寸今者父王欲看髮相不父王白言唯然  
天尊樂見佛髮如來即以手伸其髮從后拘  
樓陀精舍至父王宮如紺瑠璃繞城七匝於  
佛髮中大衆皆見若干色光不可具說是一  
一光普照一切作紺瑠璃色於瑠璃色中有  
諸化佛不可稱數現是相已斂髮卷光右旋  
宛轉還住佛頂即成螺文是名如來真實髮

相若有比丘及比丘尼諸優婆塞優婆夷等  
欲觀佛髮當作是觀不得他觀若他觀者名  
為邪觀名為狂亂名為失心名為邪見名顛  
倒心設得定者無有是處如是父王佛真髮  
相事實如是觀髮相已次觀髮際如赤真珠  
色宛轉下垂有五千光間錯分明皆上向靡  
圍繞諸髮從頂上出繞頂五帀如天畫師所  
作畫法團圓正等細如一絲於其絲間生諸  
化佛有化菩薩以為眷屬諸天八部一切色象  
亦於中現色如日輪不可具見是名觀佛髮  
際如此觀者名為正觀若異觀者名為邪觀  
佛告父王此名如來髮際實觀云何觀如來

額廣平正相額廣平正相中有三相一者所謂白毛相佛初生時王與夫人將太子詣阿私陀仙令相太子仙人披氎初見太子眉間白毛旋生於白毛邊有諸輪郭隨白毛旋相師舒毛見毛長大即取尺度量其長短足滿五尺如瑠璃筒放已右旋如頗梨珠顯現無量百千色光是名菩薩初生時白毫相光至年八歲姨母復觀悉達年大其眉間毛亦隨年長今試看之即舒白毛其毛正直如白瑠璃筒於其毛端出五光明還入毛孔母甚憐念情無已已告語諸人我子毛相乃至如此諸人見已如前右旋甚可愛念是名菩薩僮

子時白毫毛相云何名菩薩納妃時白毫毛  
相耶輸陀羅父自遣相師來相太子見三十  
二相炳然如畫惟於白毫其心不了相師即  
言地天太子其餘衆相同金輪王惟此白毛  
流出衆光非我所明今欲舒看爲可余不太  
子告言隨汝所欲今時相師以手伸毛其毛  
流出如牛王乳射相師眼其眼明淨即於毛  
中見百千轉輪聖王七寶千子皆悉具足相  
師驚愕白言地天太子我伸白毛欲觀長短  
不知何意如牛王乳來射我眼爲是實見爲  
是夢見爲是狂亂今者悉忘太子相好一切  
都盡惟見百千轉輪聖王七寶千子及四種

兵從四面起我心歡喜如婆羅門得梵世樂  
語已放毛右旋宛轉還復本處介時相師名  
牢度跋多見此事已五體投地禮於太子太  
子衆相不可具見如我相法見一相者王四  
天下使得自在今太子相如摩醯首羅自在  
神力不可記錄當去何知太子告言吾不達  
此汝自歸家往白汝王介時相師即還本國  
以如上事具向王說王聞是語駕乘名象導  
從百千詣迦毗羅城到淨飯王宮以水澡太  
子手持女上之因爲作禮地天太子願受我  
女可備灑掃相師所見上妙毛相我今欲見  
爲可介不太子告言隨意看之介時耶輸陀



羅父以手伸太子白毛見其白毛如頗梨幢節節相當於衆節間見有無量百千梵王釋提桓因諸勝天子與宮殿俱了了而見如於明鏡自觀面像見已歡喜尋復放捨如前右旋還住眉間光明赫奕四面布散入輪郭中不可悉說是名菩薩納妃時白毫相佛告父子時及納妃時白毫相者當作是觀如此觀者是名正觀若異觀者是名邪觀佛告父王云何名如來出家時白毫相我欲出家時父王及母遣諸妹女常以衛護門施關鍵開闔有聲如師子吼於窻牖間密懸諸鈴金鎖相

鈎龍鬼夜叉無從得入。尔時四天王虛空中  
遙發聲言：地天太子日時已至，宜當學道。我  
今欲往供養太子，恐殿有聲無緣得入。尔時  
太子以手伸毛，至四天王所，色如天繒柔軟  
可愛。時四天王見心甚愛敬，以愛敬故，即於  
毛中見化菩薩結跏趺坐，形如太子。一一菩  
薩復有無量諸大菩薩，共爲眷屬。此相現時，  
無量諸天龍夜叉等俱時得入。勅語車匿：汝  
往後廐，被捷陟來。車匿白言：今此地中若舉  
足，時此地振吼如大象聲。云何得往？尔時太  
子復伸白毛，令車匿見，猶如蓮華葉葉相次，  
其白如雪。車匿見已，心眼即開於其葉間，見

化菩薩結跏趺坐猶如微塵不可稱數是諸  
化人眉間白毛亦復如是爾時車匿見宮中  
地如頗梨色表裏堅實猶如金剛躡之無聲  
疾至後廐被馬金按牽至殿前車匿白太子  
言諸天顛顛合掌叉手住在空中同聲讚歎  
出家功德太子宜時速乘疾馬爾時太子復  
舒白毛持擬諸女令諸侍女身心悅樂猶如  
比丘得第三禪爾時此毛宛轉右旋還入眉  
間諸天復見太子眉間有百千光譬如乳河  
周流一切於乳河中有化菩薩乘化蓮華皆  
共讚歎出家功德一一化菩薩眉間乳河流  
出光明亦復如是佛告父王是名菩薩出家

時白毛相種種瑞應若佛滅後諸四部衆欲  
觀如來出家時白毛相者當作是觀若異觀  
者是名邪觀佛告父王云何名苦行時白毫  
毛相如我踰出宮城已去伽耶城不遠詣阿  
輸陀樹吉安天子等百千天子皆作是念菩  
薩若於此坐必須坐具我今應當獻於天草  
即把天草清淨柔軟名曰吉祥菩薩受已鋪  
地而坐是時諸天諦觀菩薩身相可愛復見  
白毛圍如三寸右旋宛轉有百千色流入諸  
相是諸天子觀白毫時各作是念菩薩今者  
惟受我草不受汝草時白毛中有萬億菩薩  
結跏趺坐各取其草坐此樹下一一天子各

見白毫中有如此相是時吉安天子而讚歎  
言善哉勝士修大慈悲慈悲力故得大人相  
於其相中無量變現能滿諸天一切善願不  
生諍訟起菩提心釋梵諸天見於菩薩坐此  
樹下各獻甘露持用供養菩薩是時為欲降  
伏彼六師故不受彼供天令左右自生麻米  
菩薩不食諸天皆曰此善男子不食多曰氣  
力憊然餘命無幾云何當能成辦菩提菩薩  
是時入滅意三昧三昧境界名寂諸根諸天  
啼泣淚下如雨勸請菩薩當起飲食作是請  
時聲遍三千大千世界菩薩不覺有一天子  
名曰悅意見地生草穿菩薩肉上生至肘告

諸天曰竒哉男子苦行乃尔不食多時喚聲  
不聞草生不覺即以右手伸其白毛其毛端  
直正長一丈四尺五寸如天白寶中外俱空  
天見毛內有百億光其光微妙不可具宣於  
其光中現化菩薩皆修苦行如此不異菩薩  
不小毛亦不大諸天見已歎未曾有即放白  
毛右旋宛轉與光明俱還復本處尔時諸天  
諦觀白毛目不暫捨見白毛中下生五箇從  
面門入流注甘露滴滴不絕從舌根上流入  
于身表裏清徹如瑠璃山百千萬億諸大菩  
薩於身內現諸天見已合掌歡喜前言愚癡  
言此大人命不云遠今見是相必當成佛了

了無疑無上慧日照世不久作是語已遶百  
 千帀各還宮殿如此音聲聞六欲天佛告父  
 王佛滅度後若四部眾欲觀如來昔行時白  
 毫相者當作是觀如此觀者是名正觀若異  
 觀者名為邪觀

觀佛三昧海經卷第一

覆

閱

俞雪

澡

音早

踰

羊朱

牝

上毗忍

反

跳

上音

條下

撲

蒲角

牙爪

下之

蔽

必祭

筍

同筍

音良

又

反

又

反

反

同

同

江

又

反

又

反

反

反

同

同

注

又

反

又

反

反

反

同

同

注

核

下革

屏隈

上音

塹

七焰

滋

上音

注

反

反

反

反

反

反

同

同

注

反

融

余弓

壤

而兩

赫

上許

菱

烏為

反

融

余弓

壤

而兩

赫

上許

菱

烏為

反

融

余弓

壤

而兩

赫

上許

菱

烏為

靈上音普覓反旋嵐下音郎妊而禁蕖藕上音渠

伉儷上音苦浪反娉反娘身音挺特上音亭媚二眉

反壞異上音俱女妻下音去輔父音踞據音撼反胡感絳

珠上音降遁徒反困輻音福妃作音策紫二子同委反鬚鬚

上即斯反蚪蚪上音苦和反腭魚各盜同銖字斷

反語斤音咽上音筒音蘊舊音烏加垂音睡直下

闊反正腋音臍丑恭織意廉肘知柳迹音向

靡下音絀反紺反閻反綱縵上音莫官反同下握於角胸作

句音楞郎登脇助下音虛音勤反緻直利鈎音鏢鎖

上音侯反凝液上音魚音陵反踔正時軟反蹀音跟

反音蚤正郎和螺反紉反女凡羯居謁反鞞朝朝上音下音

限音分齊去二聲並四觥下音姑合音作枳豐音炳音



反	尼	酉	下	愕
	輒	音	魚	各
	窳	疾	醯	呼
	俗	陵	反	方
	作	車	關	鍵
	顯	匿	下	上
	愚	力	其	俗
	恭	反	備	作
	潏	然	馬	音
	劣	上	舍	救
	反	丁	捷	闔
	滴	音	陟	反
			上	胡
			音	塔
				窳
				臄

三昧海經第一卷



